

Januarie
2010

OVERSTRAND

	Telefoon	Faks
Hermanus	028 313 8000	028 312 1894
Gansbaai	028 384 8300	028 384 0241
Kleinmond	028 271 8400	028 271 4100
Stanford	028 341 8500	028 341 0445

24 Uur Beheerkamer Brandweer	028 313 8000/8111 028 312 2400
---------------------------------	-----------------------------------

Bulletin

Amptelike nuusbrieff van Munisipaliteit Overstrand

BURGEMEESTER GEE STRATEGIESE VOORUITSKOUIING VIR 2010/2011-BEGROTING MUNISIPALITEIT GEREED VIR NOG 'N MOEILIKE JAAR

Nog 'n moeilike jaar wag op Overstrand, maar die munisipaliteit is in die gelukkige posisie om oor die leierskap en bedrewe amptenare te beskik wat hierdie uitdagings die hoof kan bied.

Dit was die boodskap waarmee wykskomiteelede en ander rolspelers weggestap het nadat hulle die vergadering van die Munisipale Adviesforum op 24 November 2009 bygewoon het. Burgemeester, rdl Theo Beyleveldt, het dié geleentheid benut om 'n strategiese vooruitskouing van die volgende finansiële jaar te bied.

Ook op die sakelyst was 'n statusverslag oor munisipale infrastruktuur en die 2010/2011-GOP- en Begrotingsproses. Die vergadering is goed bygewoon met verteenwoordiging vanuit alle wyke.

Burgemeester Beyleveldt het daarop gewys dat die resessie 'n negatiewe impak op armoede het en daartoe aanleiding gee dat die regering terugskoel. Hierdie druk word verder deur die MIV/vigs-pandemie en die toestrooming van burgers vanuit buurstate vererger. Slegs agt persent van die bevolking betaal op hierdie stadium belasting en die res is afhanklik van toelaes.

Demografiese data in Overstrand word as 'n groot probleem beskou omdat die amptelike syfers op 'n bevolking van slegs 74 500 dui terwyl dit duidelik blyk dat die munisipaliteit na die behoeftes van meer as eenhonderdduisend mense moet omsien wat in die area woonagtig is. Toelaes van die nasionale regering om die benarde toestand van die nooddrufte te verlig, word op die basis van amptelike syfers bereken, het die Burgemeester gesê.

Die munisipaliteit se vermoë om kapitaalprojekte deur die verkoop van grond te finansier, word deur die swak ekonomie beïnvloed en verder belemmer deur die lang vertragings in die proses wat deur besware veroorsaak word wat op ander maniere bygelê kon word.

Alhoewel die munisipaliteit slegs 'n agent vir die lewering van behuising is, plaas die stelsel ook die munisipaliteit se finansies onder druk. Hy het die Kleinmond-projek as 'n voorbeeld aangehaal waar daar 'n tekort van R7 miljoen is nadat die munisipaliteit reeds grond ter waarde van R14 miljoen asook grootmaatsdienste teen 'n koste van R16 miljoen voorsien

het. Die Burgemeester het gewaarsku dat die getal huise verlaag sal moet word indien die regering nie met die bedrag vorendag kom nie.

Hy het bygevoeg dat die verdigting van laekostebehuising besig is om 'n prioriteit te word aangesien grond vir ekonomiese ontwikkeling gebruik moet word.

Mnr Beyleveldt het die versekering gegee dat die munisipaliteit op organisatoriese vlak goed funksioneer. Alle direkteure word deur 'n prestasie-ooreenkoms aangestel wat gereeld geëvalueer word. Hierby het die munisipaliteit 'n auditkomitee, 'n prestasie-ouditkomitee en 'n komitee oor vrugtelose en verkistende besteding aangestel en almal is funksioneel.

Sommige van die kwessies wat hy in 'n oorsig van elke direktoraat se prestasie uitgelig het, sluit in:

- 'n Nuwe stelsel vir die skoonmaak van persele word in die vooruitsig gestel waar die verantwoordelikheid op die eienaars van die eiendom geplaas word en die fokus op die eintlike kwessie, naamlik brandgevaar, val.
- Areabestuurders doen verdienstelike werk, maar daar is 'n behoefte om produktiwiteit en die gehalte van vakmanskap op operasionele vlak te verbeter en dit kan slegs deur verbeterde toesighouding behaal word.
- Sedert 'n ongekwalifiseerde ouditverslag vir die vorige jaar verkry is, gaan streng nuwe vereistes 'n soortgelyke prestasie op tegniese gronde byna onmoontlik maak. Hy het sy besorgdheid uitgespreek oor die styging van 35 persent in auditkoste hierdie jaar.
- Skuldinvordering bly 'n belangrike taak aangesien 'n munisipaliteit nie op skuld bedryf kan word nie en 'n gesonde kontantvloei nodig het. Streng stappe sal geneem word teen wanbetalers, selfs in die geval van groot inkopiesentrums.
- Watervlies, veral in Bettysbaai waar 'n verlies van 60 persent ervaar word, sal as 'n prioriteit aandag geniet. Die skerp styging in die koste van chemikalieë om water te behandel – 'n styging van 268 persent in die vorige jaar – is 'n groot bron tot kommer.

- Nadat R30 miljoen oor die afgelope paar jaar aan elektrisiteitsinfrastruktuur bestee is, is hierdie diens nou bygelê maar die kwessie van Streekverskaffers vir Elektrisiteitsverspreiding (REDS) hou steeds 'n bedreiging vir munisipaliteite in.
- Gemeenskapsveiligheid het 60 reserve gewerf wat tans opgelei word om wetstoepassingsbeampies in die uitvoering van hul take by te staan. 'n Nuwe tender vir spoedmeting word gesirkuleer, en die gebruik van GKTV vir die Hermanus-SSK word oorweeg.
- Met die 2010-wêreldbekersokkertoernooi om die draai, kan Overstrand uit sien na 'n verlengde toeristeseisoen.
- Die drastiese toename in die getal raadslede wat in die 2011 Munisipale Verkiezings verkies moet word, vanaf 19 na 25, skep 'n behoefte aan groter fasiliteite.

Volgens mnr Stephen Muller, direkteur

van munisipale infrastruktuur en beplanning, word geen groot probleme met die voorsiening van elektrisiteit in die onmiddellike vooruitsig gestel nie, maar sommige dorpe se vraag is vinnig besig om gelyk aan voorsiening te trek. Ten opsigte van waterbestuur bestaan daar 'n behoefte aan diversifikasie in die samestelling van waterbronne ten einde Overstrand minder afhanklik van oppervlaktewater te maak en om terugvloei te verbeter. Die gebruik van grondwater gaan verhoog word, en out-sourcing sal ook belangrik word.

Die opgradering van die Gansbaai-Elim-pad sal volgende jaar met 'n begroting van R60 miljoen voortgesit word, gevolg deur die verdubbeling van die R44 tussen die Sandbaai-kruising en Mimosaweg in Hermanus (R28 miljoen), die teer van die Hemel-en-Aardevallei-pad (R130 miljoen) en die Franskraal-interseksie (R13 miljoen). Beplanning vir 'n Hermanus-verbypad sal ook 2010/11 'n aanvang neem.

WES-KAAP SE SKOONSTE

Munisipaliteit Overstrand het die kroon as hierdie jaar se Skoonste Dorp in die Wes-Kaap herower nadat dit dié kompetisie ook in 2003 en 2005 gewen het en het sodoende ook vir die nasionale kompetisie gekwalifiseer.

Uitvoerende Burgemeester Theo Beyleveldt het die toekening, wat ook prysgeld van R120 000,00 insluit, van mnr. Anton Bredell, Wes-Kaapse Provinsiale Minister van Plaaslike Regering, Omgewingsake en Ontwikkelingsbeplanning, ontvang tydens 'n glanstoeënningseremonie wat op Donderdag 26 November 2009 by die Ritz-hotel gehou is. Die Minister het gesê dat om as wenner van die 2009 Skoonste Dorp-kompetisie weg te stap, Munisipaliteit Overstrand aanmerklike verbeterings en harde werk aan die dag moes lê nadat dit as tweede naaswenner in die 2008-kompetisie aangewys is. Die stel beoordelingskriteria is in twee afdelings verdeel: Fisiese toestand en algemene netheid van die dorp het 40% bygedra, en die ondersteunende sisteme en munisipaliteit se afvalinisiatiewe het 60% tot die finale punttoekenning bygedra. Die Burgemeester het alle betrokkenes vir hul harde werk bedank en het beklemtoon dat dit 'n totale inset van almal geveg het. Hy het gesê dat die kompetisie baie taai was.



Overstrand se Burgemeester, Theo Beyleveldt, mnr. Gottlieb Arendse (Departementele Direkteur: Afval), mnr. Rudi Ellis (Departementshoof), mnr. Johan van Taak (Overstrand se Bestuurder: Vaste Afval) en mnr. Anton Bredell, Wes-Kaapse LUR vir Plaaslike Regering, by die oorhandiging van die eerste prys vir die Skoonste Dorp van die Jaar in die Wes-Kaap

WATERSLIM-WENKE VIR HUISHOUDINGS

Ons weet almal water raak skaars en moet beter bestuur word. Dit was die hoofrede vir die nuwe Wateratariestruktuur wat Munisipaliteit Overstrand aan die begin van die finansiële jaar in Junie bekendgestel het. Hier is 'n paar wenke oor hoe om water te bespaar en koste onder beheer te hou.

In die huis:

- Stort eerder as om te bad. Dit bespaar tot soveel as 'n derde van die water wat gebruik word.
- Neem 'n korter stortbad.
- Gebruik waterbesparende stortkoppe wat 'n maksimum van 10 liter water per minuut lewer.
- Kies stortkoppe wat 'n "shower off"-stelling het om water te bespaar terwyl jy inseept.
- 'n Mediumgrootte bad wat ongeveer 1500 mm lank is, is net so gemaklik en reinigend as 'n groot bad, en gebruik heelwat minder water.
- Installeer wasbakke met belugtingsuitlate. Hierdie uitlate vermeng lug met die water wat 'n laer stroomtempo tot gevolg het (5-10 liter per minuut wat minder spat).
- Moenie dat water in die wasbak bly loop nie. Terwyl jy skeer of tande borsel, hou die kraan toe.
- 'n Drukbeheerklep beheer die fluktuasie in druk oral in die huis se pype en voorkom wanbalanse in die stelsel.
- Herstel daardie lekkende toilette en krane!
- Moenie kleurmiddels by toiletwater voeg nie aangesien dit chemikalieë in

die ekosisteem vrystel wat gevaarlik kan wees en heelwat kos om uit te filtreer.

- Moenie water vermors bloot omdat iemand anders die rekening betaal nie, soos byvoorbeeld in restaurante en hotelle.
- Gebruik 'n bak gevul met water om groente af te was, eerder as om hulle onder 'n lopende kraan af te spoel.
- 'n Voorlaaiwasmasjien gebruik 40% minder water as een wat van bo af laai.
- Verlaagde stroomdruk verminder die hoeveelheid water wat gebruik word. Die hoofvoordele: waterbesparing en 'n balans tussen warm- en kouewaterstelsels.

In die tuin:

- Gebruik 'n besem, nie 'n tuinslang nie, om blare in die oprit te verwyder
- Meld stukke pype, oop brandkrane, ensovoorts by plaaslike owerhede aan.
- Plant inheemse plante – hulle het oor die algemeen minder water nodig.
- Maak jou tuin in die vroeë oggend nat om oormatige verdamping te voorkom.
- Moenie waterspeletjies koop wat 'n konstante stroom water nodig het nie.
- Bedek die swembad om die verdamping van water te verlangsamen.
- Kies organiese bemesting.

Doen elke dag een dingetjie om water te bespaar – elke druppel tel!

Bron <http://www.ewt.org.za/greentips8.aspx>

THE BIG BLUE(S) FEES



Kom geniet en vier die somer, son en see in Kleinmond met die Big Blue(s)-fees vanaf 8 tot 10 Januarie 2010. Sommige van Suid-Afrika se gewildste Rock-, Blues- en Jazz-kunstenaars gaan langs die asemrowende Kleinmond-lagune vir drie dae van wêreldklas-vermaak sorg.

Die fees bied ook 'n verskeidenheid prettige aktiwiteite vir die hele gesin: vermaak vir die kleinspan (ponieritte, troetel-tuin, springkastele, kompetisies); verfbal; kuns- en handwerkstalletjies; uitstallings; kosstalletjies (insluitend vars seekos en smulkekker potjiekos); 'n gesellige bier-tent; Overberg-wynstalletjies en sport-kompetisies soos die TotalSports-uitdaging, bergfietsrenne, aandwedloop, strandmyl, vlugbal, gholf en meer. 'n KidsCan! I-Sing-kompetisie en 'n Kleinmond Het Talent-vertoning sal ook aangebied word.

Kampering asook ander akkommodasie-opsies is beskikbaar in Rooiels, Pringlebaai, Bettysbaai en Kleinmond.

MUSIEKHOOGTEPUNTE:

Dan Patlansky – Een van die bedrywigste en mees gerespekteerde Blues-kunstenaars wat Suid-Afrika nog opgelewer het;

Piet Botha & Jack Hammer – Hulle rits al sedert 1984 die land vol en is nog nie naby afskaal nie;

CODA – Hulle musiek is 'n ervaring wat jou van kop tot tone sal laat rittel – jou

voete gaan juk van die lus vir dans en jou mond gaan behoorlik oophang wanneer jy die asemrowende skouspel van kleur en energie gadeslaan;

Anton Goosen – Hy is met SAMA se hoogste musiektoekenning in Suid-Afrika (die *Life Achievement*-toekenning) vir sy individuele bydrae tot Suid-Afrikaanse musiek bekroon.

Ander kunstenaars sluit in:

Akkedis, Tribal Echo, Boulevard Blues Band, In The Deepend, Matthew Kruger, Diamondback, Albert Combrink & Louise Howlett en nog vele meer!

KAARTJIES IS BESKIKBAAR BY COMPUTICKET OF KONTAK:

Hangklip-Kleinmond Toerismeburo
by 028 271 5657 of
info@ecoscape.org.za

Besoek ons webtuistes

www.thebigblue.co.za;
www.ecoscape.org.za of sluit by ons aan op Facebook! Naweek-toegangsperrit: R80.00 pp; Vrydag/Saterdagtoegangsperrit: R50.00 pp; Sondag-toegangsperrit: R30.00 pp. Toegang vir kinders jonger as 12 is gratis indien hulle deur 'n volwassene vergesel word! Afslag is van toepassing op pensioentrekkers, studente, leerders en groepe.

GEMEENSKAPSPOLISIEFORUM



PADVEILIGHEID

Feestye, soos die Kersvakansie, het een ding in gemeen: Duisende mense reis na hul vakansiebestemmings of om hul familie te gaan besoek. Gedurende hierdie tydperk word honderde lewens in gevaar gestel, dalk selfs verloor, weens padongelukke.

Die Wêreldgesondheidsorganisasie raam dat meer as 1,2 miljoen mense elke jaar op die wêreld se paaie sterf en dat tussen 20 en 50 miljoen ernstig beseer word. Volgens hierdie liggaam gaan padtrauma teen 2010 onder die ses grootste oorsake van dood tel.

Moenie dat ons deel van 'n feestyd se statistiek word nie. Kom ons verbind ons daartoe om:

- 'n Veiligheidsgordel te gebruik.
- 'n Valhelm op 'n motorfiets te dra.
- Teen 'n veilige spoed te ry en 'n afstand te handhaaf wat by die toestand pas.
- Ons daarvan te weerhou om onder

die invloed van alkohol of dwelms te bestuur.

- Ons daarvan te weerhou om 'n selfoon te gebruik terwyl ons bestuur.
- Sigbaar te wees as 'n voetganger of fietsryer.
- Die kode van snelweë te ken en te respekteer.
- Ons voertuie in 'n goeie toestand te hou.
- Gelisensieerd en opgelei te wees vir die voertuig wat ons bestuur.
- Te weet hoe om in die geval van 'n ongeluk te reageer.

Padveiligheid moet 'n prioriteit wees wat slegs behaal sal word wanneer ons meer waarde aan lewe heg en wanneer ons respek toon teenoor diegene met wie ons ons gemeenskap deel. Ry veilig in en op pad na en van Overstrand en kom veilig aan! [Bron: Servamus]

Kontak Hennie Westraad, voorsitter van die Hermanus-PGF, by 082 820 4811 indien jy enige idees oor gemeenskap-veiligheid wil uitruil.



OAK ENSEMBLE SE EERSTE

Die OAK-ensemble, gedirigeer deur Anna-Marié Kotze, het sy eerste uitvoering op 29 November in die foyer van die Munisipale Auditorium gelewer bestaande uit Kersliedere en twee beweging uit twee De Fesch-sonates. Tien musikante het deelgeneem: drie eerste viole, twee tweede viole, twee violas, twee tjello's en 'n kontrabas, almal uit ons omgewing. Hulle werk tans aan hul repertoire en hoop om in die nuwe jaar meer dikwels op te tree. Indien jy daarin belang stel om by hulle aan te sluit, skakel asseblief vir Barbara Pretorius by 028 312 1438. Op 17 Januarie 2010 gaan Kaapstad se Michaelis Players ('n trio) optree as deel van die eerste konsert wat OAK vir 2010 organiseer. Alle besprekings kan by BELLINI gedoen word.



Hoe om te registreer vir die Munisipaliteit se SMS-diens

SMS u rekeningnommer met die letters SMS aan 082 338 1631 of kontak 'n Kliëntediensbeampte by u naaste Betaalsaal.

DO YOU PREFER THIS NEWSLETTER IN ANOTHER OFFICIAL LANGUAGE?
SMS your account number with E for English to 082 338 1631

UNGATHANDA LENCWADI YESAZISO-NDABA IBHALWE NGOLUNYE ULWIMI?
Thumela i-SMS enenombolo ye-akhawunti yakho kunye no X omele isi Xhosa kule nombolo 082 338 1631